

大乘四法經

羊

于闐國三藏法師實叉難陀奉制譯

歸命大智海 毗盧遮那佛

如是我聞一時佛在舍衛國祇樹給
孤獨園與大比丘眾五百人菩薩摩
訶薩八千人俱皆被堅固大弮摺甲
并欲色界諸天子等無量百千恭敬
如來聽受法要

尔時文殊師利童子持一寶蓋廣十
由旬覆如來上時有兜率陀天名曰
善勝已於阿耨多羅三藐三菩提得
不退轉與其眷屬在此會中白文殊
師利言尊者供養如來猶未足耶文
殊師利言於意云何海納眾流有馱
足不天言不也文殊師利言天子大
海深廣無有涯際萬流朝宗嘗无盈
息菩薩摩訶薩求薩婆若供養如來
亦復如是未曾馱足天復請言供養
佛時應何所為文殊答言應以四事
一為薩婆若二為度一切眾生三為
不斷三寶種四為攝諸佛刹功德莊
嚴是為菩薩以四事故供養如來天

復請言善哉尊者菩薩於法常應不
怪如昔所為尸棄梵王及其眷屬演
四法門菩薩之道願為我等一切眾
會重宣此義文殊師利言諦聽諦聽
善思念之當為汝說天子菩薩摩訶
薩應發四種增上意樂心云何為四
謂攝一切眾生心成熟一切眾生心
集一切善根心覺悟一切佛法心是
為四復次菩薩應發四種如山心云
何為四謂於乞者無瞋嫌心向惡道
者生慈愍心般若波羅蜜常不捨心
所修眾行皆究竟心是為四復次善
薩應發四種轉勝心云何為四謂持
戒轉勝多聞轉勝大慈轉勝大悲轉
勝是為四復次菩薩應發四種如金
剛不可壞心云何為四謂信樂不壞
依善知識不壞修行不壞求大乘不
壞是為四復次菩薩應發四種無能
染心云何為四謂煩惱不能染名利
不能染下乘不能染諸惡眾生不能
染是為四復次菩薩應發四種無上
心云何為四謂所愛皆捨心施已無
悔心不望果報心迴向菩提心是為

大乘四法經 卷二 羊

四復次菩薩有四種能至頂法云何
為四謂智慧方便持正法化眾生是
為四復次菩薩有四種助菩提道云
何為四謂勤修諸度順四攝事住四
梵住遊戲神通是為四復次菩薩有
四種第一勝法云何為四謂於諸眾
生無損惱心惱害已者心無繫念在
五欲境而不放逸貧窮苦厄不捨法
行是為四復次菩薩有四種安隱心
云何為四若在家時自財知足他財
不貪若出家時依四聖種行頭陀法
是為四復次菩薩有四種施云何為
四謂財施法施紙筆施於法師所善
心讚歎施是為四復次菩薩有四種
堅勝法云何為四謂所聞能行豐財
能施尊者能供養壽命能種諸善根
是為四復次菩薩有四種不捨云何
為四謂不捨菩提心不捨正法不捨
一切眾生不捨求諸善法是為四復
次菩薩有四種園云何為四謂樂住
阿蘭若樂獨露坐樂求善法樂方便
度諸眾生是為四復次菩薩有四種
宮云何為四樂依梵住樂聞善法樂

大乘四法經 卷二 羊

觀性空樂同行者共止是為四復次
菩薩有四種無盡財云何為四謂多
聞財說法財攝諸貧乏財迴向菩提
財是為四復次菩薩有四種伏藏云
何為四謂陀羅尼藏辯才藏法藏無
盡財迴向藏是為四復次菩薩有四
種遠離云何為四謂遠離眾詬遠離
五欲境遠離非聖心遠離三界是為
四復次菩薩有四種樂云何為四謂
離我我所無著樂一切不願戀遠離
樂離一切境界寂靜樂不捨一切眾
生而無煩惱涅槃樂是為四復次菩
薩有四種喜云何為四謂見佛喜聞
法喜布施不悔喜與一切眾生安樂
喜是為四復次菩薩有四種真實云
何為四謂不捨菩提心不捨弘誓願
不捨有來歸依者不捨一切善護語
是為四復次菩薩有四種善法云何
為四謂樂修一切善法不輕未學於
諸眾生忍親平等為不請友饒益眾
生不思其報是為四復次菩薩有四
種清淨云何為四謂戒清淨無我故
定清淨無眾生故慧清淨無壽者故

大乘四法經 第四卷 羊

解脫清淨無諸趣生故是為四復次
菩薩有四種足云何為四謂義足法
足行頭陀功德足集菩提資糧足是
為四復次菩薩有四種手云何為四
謂信手戒手聞手慧手是為四復次
菩薩有四種眼云何為四謂肉眼作
善業故天眼神通不退故慧眼所聞
不欺故法眼諦觀諸法得忍故是為
四復次菩薩有四種無厭云何為四
謂施無厭住阿蘭若無厭聽法無厭
修善無厭是為四復次菩薩有四種
難行云何為四謂忍受一切卑賤陵
辱雖自窮乏所有皆施見有從乞頭
目身體心無違逆生善友想觀空无
我而現受生是為四復次菩薩有四
種無病云何為四謂無諸界不等病
無煩惱熱病無不利益眾生病無諸
法疑惑病是為四復次菩薩有四種
自分法云何為四謂諸波羅蜜菩提
分法真善知識不作一切惡業是為
四復次菩薩有四種不動云何為四
謂菩提心如願而行如言而作勤修
正行是為四復次菩薩有四種資糧

大乘四法經 第五卷 羊

云何為四謂奢摩他毘鉢舍那聞一
切善根是為四復次菩薩有四種齊
行云何為四謂發心起行布施迴向
大慈大悲智慧方便是為四復次菩
薩有四種法障夢云何為四謂夢月
墮於平地井中夢月現於濁泉池中
夢月在空大雲所覆夢月在空煙塵
所翳是為四復次菩薩有四種業障
夢云何為四謂夢墮大險處夢高下
道夢磐曲道夢迷方驚怖是為四復
次菩薩有四種煩惱障夢云何為四
謂夢毒蛇擾亂夢羣獸惡聲夢落賊
難處夢身蒙塵垢是為四復次菩薩
有四種得陀羅尼夢云何為四謂夢
大伏藏諸寶充滿夢清池中眾花齊
敷夢得雙淨白疊夢諸天持蓋覆上
是為四復次菩薩有四種得三昧夢
云何為四謂夢端正童女眾寶莊嚴
持花授與夢白鶴行列迴翔空中夢
如來手摩其頂夢如來坐蓮花座入
於三昧是為四復次菩薩有四種見
如來夢云何為四謂夢月出現夢日
出現夢蓮花開夢大梵王威儀闍寂

大乘四法經 第六卷 羊

是為四復次菩薩有四種得大人相
夢去何為四謂夢諸妙花果滿娑羅
樹夢大銅器象寶盈滿夢虛空中幢
蓋莊嚴夢轉輪王以法御世是為四
復次菩薩有四種不退相夢去何為四
謂夢白繒繫頂夢自設無尋施會夢
身處法座夢佛坐道場為眾說法是
為四復次菩薩有四種降魔怨夢去
何為四謂夢大力士摧小力士持勝
幡去夢大勇將戰勝而去夢受灌頂
王位夢坐菩提樹降伏眾魔是為四
復次菩薩有四種坐菩提場夢去何
為四謂夢吉祥瓶滿夢眾右繞其身
夢所往之處樹皆佹枝夢金光普照
是為四文殊師利說此法時善勝天
子及其眷屬歡喜踊躍以天曼陀羅
花波頭摩花拘物頭花分陀利花供
養文殊師利及散一切眾會以佛神
力所散之花上昇虛空成大蓮花量
如車輪微妙香潔悅可眾心於花臺
上有諸菩薩三十二相莊嚴其身小
時善勝天子白文殊師利言此諸菩
薩從何方來文殊答言如花來處是

大智度論 第七卷 辛

所從來天言此花化生元所從來文
殊復言彼諸菩薩當知亦尔
尔時世尊即便微笑從其口中放種
種光青黃赤白頗梨等色遍照十方
无量刹土上至梵世蔽日月光還從
頂入時善勝天子即從坐起偏袒右
肩右膝著地合掌向佛以偈讚曰
清淨金色光 妙相三十二 具億那由他
無比勝功德 能救世間者 何故現微笑
梵音深且遠 所言淨微妙 恒蓋七聖財
放大智慧光 迦陵伽聲音 願說微笑義
世雄大丈夫 降魔及異道 常為諸天人
修羅等供養 具足十力者 何故現微笑
一切貪恚癡 塵惱智慧障 永斷無餘習
面如淨滿月 普施安樂者 願說微笑義
善逝天人師 无量功德聚 其心常平等
具足行眾善 開解一切者 何故現微笑
常持大慧燈 破黑闇稠林 造步若牛三
無畏如師子 利益眾生者 願說微笑義
人中取尊勝 難見難可測 無我無諂曲
超越諸有海 智力自在者 何故現微笑
千輻網綉足 三界無倫匹 竭涸生死流
斷絕愚癡網 善哉大智者 願說微笑義

大智度論 第八卷 辛

尔時世尊告善勝天子言汝見虛空
蓮花座上諸菩薩不天子白言唯然
已見佛言此諸菩薩皆是文殊師利
之所化度為聽如是四法門故從十
方來皆住一生補處於十方刹當成
阿耨多羅三藐三菩提名号各異天
言世尊此諸菩薩頗有算計知其數
不尔時世尊告舍利弗汝能知耶舍
利弗言世尊我能於一念頃悉知三
千大千世界一切星宿不能百年算
知此諸菩薩數量佛告舍利弗假使
徹塵滿閻浮提尚可數知此菩薩數
莫知邊際舍利弗言何處當有尔許
佛刹容是菩薩成正覺耶佛言且止
莫作是說諸世界中空无佛者無量
無邊舍利弗假使如來恒河沙劫久
住於世日日常說恒河沙法說一一
法皆授恒河沙菩薩阿耨多羅三藐
三菩提記過於東方恒河沙佛刹乃
一菩薩於中成佛如是東方無佛世
界尚不能盡何況十方一切刹土空
無佛者舍利弗如是所有无量世界
皆是如來肉眼所見其中所有一切

大智度論 第九卷 辛

衆生皆是如來心之所知時諸大聲聞及一切衆會心生希有作如是言我等今者咸得善利值遇是師成就廣大福德智慧時虛空中諸來菩薩皆從空下頂禮如來及文殊師利恭敬右繞各還本土

尔時善勝天子白文殊師利言善哉尊者作佛作事乃能化是无量菩薩住大菩提願為我說成就此等住菩提法文殊師利言天子成就菩薩住菩提法有三十五所謂應常依時不失其節應警策諸根應攝心不動應修諸波羅蜜應隨善方便應發勝意樂應建大慈應起大悲應不捨大衆應遠離小乘應常諦實應如實作應護正法應如聞行應了衆生性平等無二應觀破戒持戒皆福田相應覺諸魔業應成滿大願應於生死不疲厭應降伏衆魔應知恩報恩應入滅因法應於解脫門不驚怖應供養諸佛應隨衆生所須皆作應不染世法應樂阿蘭若應行少欲應念知足應未度今度應未解令解應未安令安應

大乘四法經 卷上 終

未涅槃令涅槃應不斷三寶種應攝諸佛淨刹功德莊嚴是為成就菩薩三十五種住菩提法應如是學又復天子菩薩應離十種慢心所謂我慢多聞慢辯才慢利養名譽慢住阿蘭若慢頭陀功德慢富貴眷屬慢釋梵護世承事慢禪定神通慢為於佛法僧得不壞信天龍夜叉捷闍婆阿修羅迦樓羅緊那羅摩睺羅伽等恭敬讚歎慢菩薩能離此十種慢即於阿耨多羅三藐三菩提不退轉不為一切外道魔怨之所損敗時善勝天子白文殊師利言隨於尊者所住之處當知已是有此法門即為如來於中出世轉正法輪佛言如是如是如汝所說隨何方土文殊師利說此法門即為法王於其中住若有衆生行此法者是真佛子有能信解受持此法名實修行斯人已為佛所調伏不退轉於阿耨多羅三藐三菩提

尔時世尊告弥勒菩薩迦葉阿難善男子我今以此法門付囑汝等當受持讀誦如說修行為人廣說我涅槃

大乘四法經 第十一張 中

後應以此法大作佛事令一切衆生皆獲安樂弥勒白言唯然受教世尊當何名此經云何受持佛告弥勒此經名說四法門亦名成就菩薩道法是故汝等應共受持佛說此經已弥勒菩薩摩訶薩長老迦葉長老阿難及一切世間天人阿修羅等聞佛所說歡喜奉行

大乘四法經

辛丑歲高麗國大藏都監奉勅雕造

大乘四法經 第十三張 中

大乘四法經

校勘記

- 一 底本，麗藏本。
- 一 二五三頁上二行首字「于」，石作「大唐于」；**資**、**磧**、**晉**、**南**、**徑**、**清**作「唐于」。「法師」，**徑**、**清**作「沙門」。「奉制」，**徑**、**清**無。
- 一 二五三頁上一六行第一二字「嘗」，石作「曾」。
- 一 二五三頁中一一行第三字「慈」，**資**、**磧**、**普**、**南**、**徑**、**清**作「悲」。
- 一 二五四頁中二行第一二字「義」，**資**、**磧**、**普**、**南**、**徑**、**清**作「善」。
- 一 二五四頁中一六行第一一字「界」，**資**、**磧**、**普**、**南**、**徑**、**清**作「見」。
- 一 二五五頁上一七行第一一字「陀」，**普**作「訶」。
- 一 二五六頁上八行「作佛作」，**資**、**磧**、**普**、**南**、**徑**、**清**作「乃作佛」。